



Publicaziuns dalla vischnaunca, jamna 35

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2020-1025.000

Vischnaunca Disentis/Mustér, Via Cons 2, 7180 Disentis/Mustér: spazzar il plazzal dallas suoschnas da rumien e postar in moloc, parcella 2996, Via Acletta, 7180 Disentis/Mustér.

Disentis/Mustér, ils 28 d'ust 2020
Uffeci da baghegiar Disentis/Mustér

Annunzias da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2020-2087.000

Stuart Courteney, Via Plauns-Sut 1, 7180 Disentis/Mustér: sanaziun interna dalla casa da pliras famiglias sin parcella 1812, Via Plaun-Sut 1, 7180 Disentis/Mustér.

Nr. 2020-2104.000

Alfred Spescha, Via Veier 6, 7180 Disentis/Mustér: adattaziun dil terren per saver carrar cun ina maschina agricola, parcella 3358, Quadras, 7180 Disentis/Mustér.

Nr. 2020-2105.000

Corporaziun d'aua Spina da Vin, Caum postal 132, 7180 Disentis/Mustér: construcziun d'ina seiv pil reservuar sin parcella 3012, 7180 Disentis/Mustér.

Disentis/Mustér, ils 28 d'ust 2020
Uffeci da baghegiar Disentis/Mustér

Cussegl da vischnaunca

Rapport dalla seduta dils 21-8-2020

En sia seduta dils 21 d'ust 2020 ha il cussegl da vischnaunca, sut il tgamun da Mario Flepp, tractau pliras fatschentas.

Via d'ual Plaunca Su – Pardi

La via d'ual ch'ei vegnida realisada da 1971 entochen 1976 sepresenta specialmein sil tschancun da Plaunca Su, Fontanettas entochen Pardi, mo era da Fontanettas ensiviars en in schliet stan. Ils tschancuns da reparar ein vegni priorisai cun risguard sil passadi sur l'aua da Magriel a Pardi. Leu caschunan auas grondas e boas regularmein gronds donns vid il passadi, vid la via funsila engiuviars encunter Fontanetta, vid terren agricol sco era vid igl aquaduct ed ils implonts dalla Corporaziun d'aua Spina da Vin. Ina reparatura fundamentala dalla via ei indispensabla.

Suenter haver sclariu differents detagls dil project ha il cussegl da vischnaunca unanimamein:

1. approbau il project per segironza e reparatura «SIE 2021, object via d'ual Plaunca Su Pardi»;
2. concediu in credit net da frs. 360 000.– per realisar il project;
3. decidu da suttametter quella damonda da credit el senn dallas prescripziuns digl art. 21 lit. c dalla constituziun communal a referendun facultativ.



Revisiun dil regulativ d'indemnisaziun

Cun nov encunter treis vuschs e duas abstenziuns ha il cussegl decidu da dar anavos la fatschenta alla suprastanza communal. Il cussegl vul surschar quella decisiun alla nova suprastanza communal, resp. al niv cussegl da vischnaunca.

Plinavon ha il cussegl da vischnaunca priu enconuschientscha dil program d'activitad e dil plan da finanzas 2021–2025.

Suprastanza communal

Referendum facultativ

A caschun da sia seduta dils 21 d'ust 2020 ha il cussegl da vischnaunca approbau il project «SIE 2021, object via d'uaul Plaunca Su–Pardi» per realisaziun e concediu persunter in credit net da frs. 360 000.–.

Conform ad art. 21 lit. c dalla constituziun communal ei quella decisiun suttamessa al referendum facultativ. Il messadi davart quella fatschenta ei exponius per investa en casa communal (stanza nr. 10).

Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

Suprastanza communal

«Center Fontauna» – Ura da damondas

Tgi che ha damondas davart il project «Center Fontauna» resp. davart il menaschi astga bugen far diever dalla pusseivladad da contactar il meinafatschenta Gion Hosang. El stat ils suandonts dis e temps a disposiziun per tgi che vul vegnir sperasvi el Center da sport e cultura per tschentar sias damondas e schar dar plaid e fatg davart il project «Center Fontauna».

- venderdis, ils 28-8-2020: 19.00–20.30
- gliendisdis, ils 31-8-2020: 16.00–17.30
- mesjamna, ils 2-9-2020: 17.00–18.30
- venderdis, ils 4-9-2020: 19.00–20.30
- gliendisdis, ils 7-9-2020: 16.00–17.30
- mesjamna, ils 9-9-2020: 17.00–18.30

Informaziuns davart il project «Center Fontauna» anfleis era silla pagina d'internet www.centerdasport.com/center-fontauna.

Cumissiun da menaschi Center da sport e cultura

Concerts da stad ella caplutta d'Acletta, Mustér

Dumengia, ils 30 d'ust 2020, allas 17.30

4. concert: Ensemble Ars Amata Zürich Clarinetta, cor, violina, viola, violoncello e clavazin Ovras da Mozart, Brahms, Juon e Dohnanyi

Reservaziun: Papeteria Hosang, 081 936 43 36, info@hosang-disentis.ch

Inserat!



Sommerkonzerte in der Kapelle Acletta, Disentis

Sonntag, 30. August 2020, 17.30 Uhr

4. Konzert (mit Apéro): Ensemble Ars Amata Zürich Klarinette, Horn, Violine, Viola, Violoncello, Klavier
Werke von Mozart, Brahms, Juon und Dohnanyi

Reservation: Papeterie Hosang, 081 936 43 36, info@hosang-disentis.ch

Inserat!

Uniun da gimnastica da dunnas Mustér

Nus entschevin puspei cun nossas lecziuns dalla gimnastica **gievgia, ils 3 da settember 2020**, allas 19.30 el Center da sport Mustér.

Uniun da gimnastica da dunnas Mustér

Frauenturnverein Disentis

Wir beginnen mit unseren Turnlektionen wieder am **Donnerstag, 3. September 2020**, um 19.30 Uhr im Center da Sport Disentis.

Frauenturnverein Disentis

Apparat d'udida

Gliendisdis, ils 7 da settember 2020 saveis Vus schar schubergiar e rugalar Vies apparat d'udida:

- 9.15–10.30 en Casa sogn Martin a Trun
- 11.00–11.45 en Casa sogn Giusep a Cumpadials
- 13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma sorprendan comunablamein quei survetsch gratuit per tuts interessents. Ei drova negina annunzia.

Uniun samaritana Mustér

Cuors BLS-AED-SRC cumplet

L'Uniun samaritana Mustér organisescha in cuors da reanimaziun BLS-AED-SRC cumplet. (Reanimaziun cun applicaziun dil defibrilatur automatic). Per in e scadin che ha interess. **Sonda, ils 12 da settember 2020**, 8.00–12.15, Casa da scola Mustér. Annunzias: Ein da far entochen ils 6 da settember 2020, Martina Giger tel: 079 299 36 13 (era per sclariment e per repetiziuns BLS-AED), e-mail: martina.casanova@gmx.ch
